

## JÁBBU

Mi nni ìa all'acqua a la funtan'ê Sia,  
cu a solita quartara tutt'à sciḍḍa:  
a şṭrata la sapìa - era sempri chiḍḍa! –  
ma ggìa scurava e n-tantu si virìa.

Avìa agghicatu quasi a la funtana,  
quannu va'-vvìu na-bbuffa! - Chi schifu!  
Pigghiài nun-ziccazzuni, ranni Ddiu,  
c'all'acqua n-ci ì cchiù pi na simana.

- Siènti - cci rissi iu -, bbiḍḍuzza mia!  
Si-ppròpriu vo sapillu chiàtt'e-ttunnu,  
nun è ca iu mi scantu, n-funnu n-funnu;  
ma pruòvu schifu quannu viù a-ttia!  
Ti cìlichì e-tti sguazzi mmiènz'u fangu;  
si-llàlia cchiù r'a retta e, cchiù ri-cchiù...

Chi-ccriri ca cu-ttutti ssi-ddifiètti tui,  
quannu ti viù nni puòzzu fari sangu? ... -

- Ma cuòmu mi fa-rrìriri! - mi rissi –  
Stàiu nno fangu, sì, ca cci nascì;  
ma tu, però, li fai li purcarì!

Chi mi vo riri, va, ca simu i stissi?! ... -